



Maajip 7-iat 2020

UPA2020/95

Inatsisartut suleriaasianni § 36 naapertorlugu Inatsisartuni oqallisissatut siunnersuut una saqqummiuppara:

Peqqinnissamut, suliniuteqarnissamut aningaasaqarnikkullu tunngasutigut qanoq ililluta Corona-virusimut nutaamut siammasissumik tunngavilersukkamik, qaffasissumillu periusissamik qulakkeerinninnissatsinnut oqallisissatut siunnersuut.

(Inatsisartunut ilaasorta q Tillie Martinussen, Suleqatigiissitsisut)

Tunngavilersuut:

Ulloq manna tikillugu Corona-virusimik nalaataqarnitsinni Kalaallit Nunaanni innuttaasut qanoq ataqatigiitsiginerat takullugu qamuuna attortinnarpoq. Tamanna angerlarsimaffeqanngitsut unnuiffissaqartinneqarnissaannik, immitsinnut qanillinaveersaarnermik, utoqqarnik sanngiitsunillu illersuineramik, nunarsuarmioqatitta nutaarsiassaataannik kalaallisuunngortitsinermik, ataqatigiinnermillu nassataqarsimavoq. Maanna piffissanngorpoq uagut Inatsisartut suleqatigiilluta sulinitigut utertitsiviginninnissatsinnut. Tassa Corona-virusimut nutaamut tunngassuteqartunik tamanik aqutsinerup ingerlanneqarnerata ammasumik suleriaaseqarluta pitsaasumik periusissioinnissarput.

Nunani tamani immitsinnut sanilliuuffigisatsinni partiimi suminngaanneersuuneq akimorlugu inatsisartut partiillu isumaqatigiissiornermini isumaqatigiinnginnertik akueralugu nunaminni innuttaasuminnut aaqqiissutissanik nassaarniarlutik suleqatigiillutik suliuarsinnarput, nalunagu Corona-virusi qanorluunniit aqukkalarunikku inuiaqatigiinni inunnut tamanut sunniuteqartussaasoq. Maani aamma taama iliortariaqarpugut.

Ukiuni aggersuni aningaasaqarnikkut assut artorsartussaavugut. Corona-virusimut akiuussutissap nassaarineqarnissaata tungaanuunaanngitsoq, taassumali kingorna ukiuni aggertussani aamma. Ulluni makkunani nunarsuatsinni niuffaffiit ajalusoortut takusinnaavagut, inuussutissanut akit apparjarput, uuliap akia apparjarujussuarpoq. Nunarsuaq tamakkerlugu suliffeqarfiit matorarput, akissakilliulerneq piviusunngorpoq.

Aningaasanut Inatsimmi pingaarnersiukkagut ajornartorsiorfigissavagut, inuussutissarsiorneq ilanngullugu, qiimmassaatinik oqaasertaliinikkut, imaluunniit arlalippassuarnik ilassutitut aningaasaliinikkut, aamma taarsigassatut atornikkut aaqqinneqarsinnaanngitsumik.

Takornariaqarneq, inuussutissarsiorfiit minnerusut, namminersortut, eqqumiitsuliortut allarpassuillu – pingaartumik namminersortut – suliffeqarfiit aningaasaqarnermikkut siuariartornerat killormut saatinneqareerpoq. Kiffartuussisoqarfiit, assartuussinermi, aalisarnermi inuussutissarsiorlut minnerusut, aammattaaq suliasaqarfinni allani. Meerartatta atuariaasiat allanngorpoq, nunarsuarmioqatitsinnik suleqateqarneq Naalagaaffeqatigiinnitsinnilu suleqatigiinneq eqqortumik oqaatigissagaanni inuunissatsinnut pisariaqartivippagut.

Ingerlataqarfiit annerit, pisortaqarfiit aalisarnermilu inuussutissarsiorneq siunissami aamma eqqugaasussaassapput. Maannamut suliffeqarfiit matorartut takoreerpagut, sulilulu suliffeqarfinnut matusunut periusissamik naleqquttumik pilersitsisimanngilagut, suliffeqanngitsunik isumaginninneq – taakkunangalu piumappassuk ilinniagaqaqqitsitsineq – imaluunniit inuussutissarsiuutinik allanngiueq.

UPA2020/XX

J. nr. XX.XX.XX /20FM-LABU-XXXXX

Ataatsimoorluta suliniutit makkua isumaginissaannut piffissanngorpoq, tamanut atuuttussamik. Nunatta Karsiata akiliisinnaassutsini ukiorpassuarni attatiinnarnissaa pingaaruteqarpoq, tasanilu ilaapput taarsigassatut atornerit, sipaarniuteqarnerit, ikiorsiissutissat, imaluunniit inuussutissarsiutinik allannguinerit. Suliarineqarneri aallartinneqartariaqarput.

Suliniutigineqartussanik aningaasalersuinissamut siammasissumik isumaqatigiinneq, eqqarsaatigilluakkamik aaqqissuulluakkamillu sipaarniarnissamut pilersaarut, ammasumik suleriaaseqarluta ersarissumillu salliussatsinnut suleriaaseqarnissaaq, aamma pisariaqassappata inuussutissarsiutinik ingerlataqarfinnillu allannguinerit amigaatigingivut erseqqissarneqarnissaa Suleqatigiissitsisunut pingaaruteqartorjuuvoq. Minnerunngitsumillu Corona-virusimik nutaamik aqutsinermut ammasumik suleriaaseqarluta periuseqarnissarput amingaataavoq.

Ajornartoornerup kingorna suliniutit sorliit ingerlatiinnarneqarnissaannut nalilersuineq pisariaqartipparput, aningaasanullu inatsit tamakkiisumik isigalugu nalilersoqqittariaqarparput.

Suleqatigiissitsisuniit takorusukkaluarparput suliniutit kinguartinneqarsinnaasut unitsinneqassasut, tamanna pisinnaavoq akiliisitseriaatsimik atortuulersitsinikkut, mittarfiliornissat immikkoortuisa ilarisinnaavaat, erngup nukinganik nukissiorfiusinnaapput, aammattaaq Namminersorlutik Oqartussat ingerlatseqatigiiffiinut pissarsiassanik akiliinerit ajornartoornerup aqunneqarneranut tutsinneqarsinnaapput, imaluunniit tallimaattut allarluinnaq. Sanaartornermut Illuliortitsinermullu Aningaasaateqarfimmiilli aaneqassanngillat, suliniutinilluunniit assingusuniit tamakkiisumik napatitsisuniit. Sammisat qaqillugit ammasumik oqallissutigissagivut pingaaruteqarpoq. Inatsisartuni ataatsimiititalianilu tamani.

Suliarilluakkamik pilersaarusiornissatsinnut pingaarnersiungassagut amerlapput, iluaqutigisinnaavarpullu ukununnga pilersaarusiortutta:

Matusinerup kingorna ilaatigullu kingusinnerusukkut matusinerimi isumaginninnerup iluani maannakkut pitsanngorsaanaissaq pisariaqartinneqarpa?

Namminersorlutik Oqartussat ingerlatseqatigiiffii taakkualu innuttaasunik kiffartuussinerat qanoq iliuuseqarfigerusullutigillu qanoq iliuuseqarfigissavagut?

Peqqinnissaqarfik suli amerlanerusunik aningaasaliiffigineqassava, immaqa pingaartumik sineriammi? Angerlarsimaffeqanngitsunut inissat ingerlatiinnarneqassappat, aamma kommunit taakkununnga taarsiivigineqassappat?

Qanoq isilluta innuttaasut aasaq manna nunatta iluani angalasinnaanissaat qulakkiissavarput?

Angallanerup aaqqissuusaanera akiiluunniit aallanngortinneqassappat? Nunatsinni tunisassiornissamut piginnaaneqarneq tamakkiisumik attatiinnarneqassava?

Ikiorsiissutissat maannakkut atuutsinneqartut naammappat? Naammattumillu aqunneqarpat?

Qanoq siviutisumik immitsinnut ungasinniassaagut? Qanoq isilluta misissuinerit periuseq pitsaanerpaaq qulakkiissavarput?

Angallassisariaqalernissanut saniatigut aningaasaliissutissanik peqassaagut, tamassumunngalu atatillugu isumaqatigiinniarnit sorliit angorusuppagut, kikkutaaq isumaqatigiinniuteqarfigerusuppagut? – Takorloorneqarsinnaanngitsut pissangaluarpata sulisussagut naammappat; nappaat kingusinaarluni tuniluutilissagaluarpat, aap immaqa kattornannguaq?

Ataatsimiititaliaagallartussanik pilersitsissaagut, Coranamut periusissamut isumasioqatigiinneq, soorlu Aningaasaqarnermut Ataatsimiititaliamut missingersuummut taama isumasioqatigiittugut?

UPA2020/XX

J. nr. XX.XX.XX /20FM-LABU-XXXXX

Oqalligisassarpassuaqarpugut, kisiannili qularnanngilluinnarpoq sunniuteqarnissarput ilanngussaqaarnissarpullu qulakkeerniarlugu Inatsisartuni ataatsimoorussamik oqalliffiusartussaq pisariaqartikkipput. Inatsisartut ataatsimiititaliaat naammangillat.

Corona-virusi nutaaq assigiinngitsunik sulialinnut attuumassuteqarpoq, susassaqaarfinnik akimuisuuvoq, nunarsuarlu tamakkerlugu inunnik tamanik sunniilluni, aamma maani, nuna tamakkerlugu. Illoqarfimmiit nunaqarfimmut, tagiuisartumiit kilisaatinik piginnittunut. Amerlasoorpassuit sunnerneqarput, Corona-virusiminngaanniit.

Aningaasanut Inatsit aningaasanik atukkiussanik kusassassanngilarput, ajornartorsiulluunniit kinguarsassanngilarput ajunnginnerpaarlu pissasoq neriuutigalugu. Aaqqissuissaagut, ilanngarterissaagut, isumaqatigiinniassaagut sulilluarlatalu maani Inatsisartuni, aningaasaqaarnikkut, peqqinnissaq pillugu inunnullu tunngasunik siammasissumik tunngavilersukkamik periusissiorumalluta. Ajornartorsiutip akornatsinni agguataarnissaanut iliuseqarfigivinissaanullu piffissanngorpoq. Nunatsinni inuit ammasumik suleriaaseqaarnissarput, aalajaassuseqaarnissarput, unneqqarissuunissarput erseqqissuunissarpullu piumavaat. Ataatsimoortillugit.

Matumuuna ataatsimiinneq ullunik arfineq-pingasuinnaarnik sivissuseqarmat eqqarsarnarpoq Inatsisartuni tamatta immikkut minnerpaamik qaammatini marlunnik-pingasunik sulinissatsinnut periaqarfissaqartugut.

Nunatta inui sullikkivut takutinnissaa pingaaruteqarpoq. Tamaasa tapersersorigut. Minitaqarnata.

Tamassuma qanoq piviusunngortinneqaarnissaa pillugu tamatta pitsaasumik isumatusaartumillu oqallinnissatsinnut kissaalluta.